



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Concilivm Aqvileiense In Avstria, Pro tollendo schismate per Gregorium papam XII. anno Domini MCCCCIX. circa festum pentecostes celebratum.

urn:nbn:de:hbz:466:1-15653

CONCILIVM AQVILEIENSE
IN AVSTRIA,

ANNO
CHRISTI
1409.

Pro tollendo schismate per Gregorium papam XII.
anno Domini MCCCCIX. circa festum
pentecostes celebratum.

NOTA.

* *Concilium.*] Hanc Synodum Gregorius indixit anno pontificatus sui secundo, per epistolam quamdam apud Theodoricum a Niem lib. 3. de schismate extantem, quæ talis est.

Gregorius, &c. ad futuram rei memoriam.

Epistola
qua indici-
tur Conci-
lium.

CVM tota nostræ mentis intentio sit, Christianorum ecclesiam reunire, palpato per experientiam rerum magistram, quod per viam renuntiationis obstante iniquorum malitia id efficere hucusque nequiuimus, quam pure & sincere obtulimus, & in eadem perseverantes perstitimus, & adhuc persistere non desistimus, secundum formam & intentionem nostri voti & iuramenti, nescientes diuini secreta consilii sæpenumero per effectum deiurantis, quia vanæ sunt cogitationes hominum, ad viam iuribus & antiquis consuetudinibus approbatam nos conuertimus, generale Concilium, quod omnes vias ad vniionem includit, nullam penitus excludendo, quodque congregare solius Romani pontificis esse dignoscitur, sine cuius auctoritate factum, non Concilium, sed Conciliabulum aut conuenticulum dicitur, & diffinitur nullum existere, ad festum pentecostes immediate sequentis, & in prouincia Aquileiensium & exarchatu Rauennatenfi, diuino auxilio inuocato, de fratrum nostrorum consilio, auctoritate apostolica præsentium tenore indicimus, & etiam conuocamus, per apostolica scripta mandantes, quatenus venerabilibus fratribus nostris vniuersis, & singulis patriarchis, archiepiscopis & episcopis & dilectis filiis electis, & aliis ecclesiasticis prælatis, ac reliquis in prælaturis & dignitatibus constitutis, qui solent ex dignitatibus & prælaturis eorum in huiusmodi generalibus Conciliis interesse, quatenus ad id se personaliter in eisdem loco & tempore trans-

ANNO
CHRISTI
1409.

transferant debito, scituri locum, quem ex eis duxerimus eligendum: quem quidem locum nunc expresse determinare & denunciare nequiuimus propter varias circumstantias, quibus locus talis vnitatis & pacis debet merito circumcingi. Et quoniam pestiferum hoc schisma tolli verisimiliter non speratur, nec dari integritas vnionis populo Christiano cum effectu, sine dominorum temporalium voluntate, quorum honor & status tangitur: carissimos in Christo filios nostros Rupertum Romanorum & alios reges, & nobiles viros, duces, principes, ceterosque potentes, nec non communitatum & vniuersitatum regimina principalia requirimus, monemus & hortamur in Domino, quatenus ad idem Concilium personaliter veniant, aut aliquos viros solennes, doctos & Deum timentes transmittant, vt fiat, Deo annuente, pax & vnitas eadem in populo Christiano. Nulli ergo, &c. nostræ indictionis, mandati, requisitionis, monitionis & exhortationis infringere, &c. Si quis autem, &c. Datum Lucae sexto Nonas Iulii, pontificatus nostri anno secundo.

Haecenus epistola Gregorii papæ XII. de occasione, loco & tempore eiusdem Concilii, & de personis quæ interfuerunt, subiungit quæ sequuntur: *Subsequenter vero circa finem mensis Iunii Gregorius cum pauca comitiua curialium & etiam armigerorum a Luca recedens, multum extenuatus in facie, & liuidi coloris, ac si iam in puncto mortis existeret, sub saluo conductu eiusdem Florentinorum, datis sibi etiam per ipsos, prout petiit, sufficientibus obsidibus, donec esset in loco tuto, ad eandem ciuitatem Senensem reuertebatur, vbi satis honorifice, vt creditur, ob reuerentiam regis Ladislai, quem Senenses tunc & ante reuerentur & diligebant, per ciues & communem populum recipiebatur: credidit tamen tunc ire versus Ariminum recta via, sed hoc eo iter agente, fuit quomodolibet impeditus. Stando igitur tunc per tres menses vel circiter Senis, interim ad dilatandum schisma alios novos cardinales creauit, & postea versus Ariminum transiit, vbi etiam hiemando in quadragesima tunc instanti ad terram ciuitatis Austria Aquileiensis diocesis accessit, & ibi circa festum pentecostes tunc sequens suum Conciliabulum celebrauit, paucis ibi existentibus archiepiscopis, episcopis & aliis ecclesiasticis prelatis, aut procuratoribus ecclesiasticorum prelatorum, nec non principum secularium, qui in generali Concilio per summum pontificem conuocato de consuetudine & more interesse tenentur. Haecenus de Concilio Aquileiensi Theodoricus.*

Occasio;
locus, &
tempus
Concilii.

Concilia-
bulum.